

Gara dla roda "Tour of the Alps": Tan inant che la gara sciafia da passé por Börz – gnarál stlüt, ai 19 d'auri, ca. dales 11.00 ales 12.00 la strada provinziala danter Picolin y Börz por la tapa che passa a Picolin ca. dales 11.30 y röia sön Börz ca. dales 12.00.

Aldiënza dl assessur provinzial Florian Mussner tla ciasa de comun en vëndres ai 21 d'auri, dales 9.00.

La doturia Margarete Mahlknecht é demez dai 24 ai 28 d'auri y vëgn sostituida dal dotur Eduard Agreiter 333 13 80 852.

PLOANIES SAN MARTIN Y LUNGIARÜ

Peregrinaje dles vëdues, vëdui y porsones sores dl Raiun da Bornech y Val Badia a „Weissenstein“ en sabeda, ai 29 d'auri. – *ciarede tl'ultima plata.*

SAN MARTIN

I sorvidus é dër bel invia en Pasca dales 16.00 dan calonia da gní a chirí les coes dl lou da Pasca y a fá deboriada n per de jüc. Por implí les coes vëgnel perie da mëte do la gran mëssa val' tl cëst di sorvidus – bel dilan.

Te cortina sura la ciasa dai osc é l n valgönes crusc y perts de zorghes de fosses che é gnüdes tutes demez. I familiars-proprietars é peria da les porté demez cina ala fin d'auri. Ci che ne vëgn nia tut demez, fistidiará le consëi de cöra da le tò demez.

LUNGIARÜ

La Ploania da Lungiarü rengraziëia dër bel Pio Pescoller che fistidiëia ann pur ann da condüje adalerch de bel ori portan pro a n bel ingres da festa la Domënia dal Ori.

I Sorvidus da Lungiarü rengraziëia dla spënorä dla "Kuchenaktion" dl ann passé. L'oferta do chëra ch'i periun indô dër bel podëise dé jö en Pasca ti cësc di sorvidus; en chësc ann la dunse inant, mesa ala Krebshilfe Südtirol y mesa al Südtiroler Kinderdorf. Dampfora bel dilan y a düc na buna Pasca dai Sorvidus da Lungiarü.

Le KVV da Lungiarü á invié Monica Comploi che tignará en mertesc, ai 18 d'auri, dales 20.00, tl salf dla scora, n referat „Co pón pa fá de buna coltöra cun restli de verzöra y ordöra de ciasadafüch cun la condla bokashi“.

La Uniun di Seniors da Lungiarü invieia düc i seniors en vëndres, ai 21 d'auri, fora Al Plan a chidlé. I s'abinun dales 14.00 it'a Roncac. Präibel anziesse pro Annelies cina en jöbia sëra 0474 590 067 o 346 35 87 173

La Uniun dl Sport da Lungiarü tëgn süa reuniun generala en vëndres, ai 21 d'auri, dales 20.00, tl salf dla pizzeria Fornata a Lungiarü. Düc é bel invia. Do la reuniun, dales 21.00, gnarál fat festa ai atlec dla liösa Florian Clara y Ivan Nagler por i bi suzesc internazionai. Por le bufett se crüzia la Uniun dl Sport. Gnide düc a fá festa!

Le Sorvisc ai Jogn lascia alsavëi che l'ofize é stlüt dai 18 ai 25 d'auri.

Reuniun generala dla SEA en jöbia, 20 d'auri, dales 19.30 tl Istitut Ladin a S. Martin.

Indoman, Lönesc de Pasca, invieia la Uniun Ladins deboriada cun l'Istitut Ladin, ala Matinee tl Istitut Ladin, che mët man dales 10.30 cun la presentaziun dl liber "Cianties de dljia y rimes incëria" de Tone Gasser cun dessëgns de Lois Irsara; al cianta le Cor di Mituns y le Cor de Dlijia da San Martin. Dedô liagnes blances - musiga dal vi cun "Nik Lee and the Marcos" - cufada de üs - marcé di libri.

Referat "Suizid – S'un ji zënza tó comié" en lönesc ai 24 d'auri dales 19.30 a Picolin, organisé dal Raiun Sozial Val Badia adöm cun l'Assoziaziun Lichtung, cun la psicologa Ruth Warger, la psichiatra Annemarie Tasser, y i geniturs Schullian che á albü na te esperiënza cun so möt. Dedô pón fá domandes. Düc é bel invia.



www.unitepastorla.org

Plata dles Ploanies San Martin y Lungiarü

siur Iaco Ploner 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

16.04.17 – 23.04.17 nr. 21

termo da publiché: jöbia 20.00
radio: 90,40 / 93,70

DOMËNIA DE PASCA - A

Vangele: Jan 20,1-18

Dailò é Pire y l'ater discepul jüs ia y fora
y é rovà fora dal sepolcher;
ai é saltà trami deboriada,
mo deache l'ater discepul é plü asvelt
co Pire, é chël rové por pröm dal
sepolcher. Al s'á cufé jö y ite
y à odü les fascas de lin ia por tera,
mo al n'é nia jü ite. Tratan é incé
rové adalerch Scimun Pire,
che ti gnô do, y é jü ite tl sepolcher.
Al à odü les fascas de lin ia por tera
y la peza dal assoius che é stada söl cé de Gejü....

Ressoreziun adora intant de tëmp.

Ala fin de nosta vita é la mort. La speranza rovada, morta y sopolida.

Mo la fin devënta n scomenciamënt.

Impröma messunse ti dé lerch al dolor y ala plüra. Jí dan la fossa.

Al sozed n mudamënt impröma deforaia, la pera é sburlada demez.

Mo al ne tleca nia, al resta le dübe y l'incomprejiun.

Les ëres dan la fossa cun sü dübi ne scuta nia,

ares vá dai atri: „Eise aldí?“ Al é sozedü val', mo i ne capiun nia.

Al n'ó spo ester de chi che fej n pröm vare, che se cüfa jö y ite te fossa,
che se lascia ite tla malsegurëza, ite tl scür.

Y spo n vare ciamó plü inant, che vá plü sot y ó capí,
ci ch'al é sozedü y ciodí ch'al é sozedü.

Y spo ala fin capí. Ara messâ pö sozede insciö.

Y sëgn é l chiló la fondamënta de val' veramënter de nü.

Rové ala fede y odëi n significat tla vita.

La mort y le sënn é gnüs scombatüs y n'á nia l'ultima parora.

La vita ciafa trus te na vita nöia.



	SAN MARTIN	LUNGIARÜ	 Alleluia! <i>Crist ressurì porta te èl l'umanité nòia, le „scé“ glorius che ldi ti á dit ala jënt. L'umanité vir ciamó tl vedl, mo ara vá bele sura le vedl fora, ara vir ciamó tl monn dla mort, mo ara vá bele sura la mort fora, ara vir ciamó tl monn dl picé, mo ara vá bele sura le picé fora, la nôt n'è nia ciamó passada, mo al vëgn bele de. (Dietrich Bonnhoffer)</i>  VIJITA PASTORALA DL VËSCO TLA VAL BADIA 2017 <i>ti mëisc de otober y novëmber</i> La sabeda, ai 13 de ma: gran incuntada de preparaziun a nivel dla valada daverta a düc dales 8.30 – 12.30 a San Martin tl Istitut Ladin Vëndres, ai 6 d'otober: gran incuntada col Vësko instëss dales 20.00 a Badia tla Ciasa Runcher sabeda, ai 7 d'otober – incuntada di consëis, colauradus y uniuns y i.i. Te vigni ploania gnarál spo tigní na mëssa y na incuntada col Vësko a San Martin y Lungiarü la sabeda y la domënia di 28 y 29 d'otober
16.04.17 DOMËNIA DE PASCA de n. Signur Gejú Crist A	10.00 Mëssa solëna de Pasca y benedisciun dl signé 18.00 Öspi da Pasca	8.15 Mëssa solëna de Pasca y benedisciun dl signé 14.30 Öspi da Pasca	
17.04.17 LÖNESC DE PASCA <i>Rudolf, Elia</i>	9.00 Ora d'adoraziun 9.30 Gran Mëssa families de Purgl Clara fam. de Tone Gasser + Paul Vantsch	7.55 Corona 8.15 Gran Mëssa families de Frieda Chiusura dl ann + Clementina Costa	
18.04.17 Dedolönesc de Pasca <i>Eujeb, Anastasia, Sabina</i>	degöna mëssa		
19.04.17 Dedemesaledema de Pasca <i>Leo, Werner</i>		7.30 Mëssa + Scimun Mischi + Franz Pezzei, Ghestan	
20.04.17 Jöbia de Pasca <i>Sara, Odetta</i>	7.30 Mëssa en onur de S. Ujöp Frëinademetz dl ann + Robert Chiesa + + Tone y Monica Tolpeit Corona por vocaziuns		
21.04.17 Vëndres de Pasca <i>Konrad da Parzam, Anselm</i>	18.30 Adoraziun chîta 19.00 Adoraziun deboriada	7.30 Mëssa + Guido Clara + + Hermann y Emma Pezzei, Camura	
22.04.17 Sabeda de Pasca <i>Cajus, Alessandra</i>	15.30 Mëssa tla Ciasa de Palsa 18.30 Mëssa prefestia + Frieda Prada + Maria Graffonara + Clara Ploner Oferta de solidarité por i proi	20.00 Mëssa prefestia dl ann + Cecilia Clara + + Giovanni y Herta Clara + Iarone Rungger Oferta de solidarité por i proi	
23.04.17 DOMËNIA BLANCIA -A DLA MISERICORDIA Oferta de solidarité por i proi	9.00 Corona 9.30 Gran Mëssa Festa di maridá iubilars che é do mëssa invia tlf di Stödafüch	9.00 Gran Mëssa en onur de San Florian a d'intenziun di Stödafüch Benedisciun dl auto nü	